



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Historia Provinciæ Paraquariæ Societatis Jesv**

**Techo, Nicolas**

**Leodii, MDCLXXIII.**

Cap. 20. De Thomæ Fildii vita & morte.

**urn:nbn:de:hbz:466:1-38528**

consecratos. Eos ad Exhomologesim cogere initios, ut scientiam peccatorum abutentur. Exorcitatum salem, in Baptismis adhiberi solitum, certum venenum esse, quo ciuius ocyi infantium & adulorum corpora maestarentur. Oleum & Chrisma fœditibus tantummodo creandis inservire. Malitosè pluralitatem uxorum ab Christianis Sacrificulis prohiberi, ne scilicet Indi, multiplicata prole prævalentes, Hispanis negotium faccerent. Proinde se, pro potestate, quā valebat, omnibus præcipere, ne imposterum unā contenti uxore viverent; sed quascumque adipisci possent, domi alerent. Vivite, aiebat, & bibite antiquo ritu, inter choreas & ebrietatum hilariam, Majorum nostrorum memoriam celebrantes. Divorum imagines ne colite, sed me unum pro vestro Numine habetote. Si secus facitis, in bufones & ranas transformatos Parana devorandos vos tradam. Minacibus & sacrilegis dictis lasciva facta addebat: nam septem pellicibus in ordinatiam libidinem allumptis, quascumque alias optabat, pro libitu diminuebat. Igitur exemplo & verbo nocens, brevissimo tempore ita Itatinenses pervertit, ut aliis populus, quam antea erat, crederetur. Nam pro obsequio Sacerdotibus debito, nihil nisi protervitates audiebantur. Sacramentorum frequentationi successerant ayita vitia, adeò jam publica, ut palam totius oppidi rebellio timeretur. Joannes Gamarra Franciscanus, vir lingue Barbaricæ & tractandorum Indorum peritissimus, Itatinensis tunc præcerat, qui in causas subitæ mutationis inquirens, cum nihil diu extorquere potuisset, tandem hoc fermè modo indicium à puerō accepto: nam dum puellulum in paucis gratiosum ad se ventitatem, ut sit, interrogasset, num s' amaret, respondit puer, Te quidem, o Pater, amo, sed in oppido occulitè versatur Joannes Quaracius, quem supra te dilo. Notum erat Quaraci nomen: quare, hoc indicio accepto, non dubitavit inde malum procedere. Sed dum ferventiùs, quam decebat, in eo negotio se gerit, Quaracius clam fugiens, adverto Parana in Maracanaim, perfidorum hominum olim recepaculum, cum pellicibus se intulit: exinde aliquoties prorumpens, sparso ubique veneno, nostros Neophytes inficiebat; navigabatque usque ad superiora Parana loca, Ethnicorum pagos, ne se ad Fidem reducerent, solitis artibus avertens. Rochus Gonsalvius animadversa etiam Neophytorum nostrorum mutatione, & serpentis mali cause penitus ignarus, ubi Gamarra litteras de Quaraci fuga recepit, assumptam fidelissimorum Neophytorum catervam, summâ celeritate ad Maracanaim se confert, quo antequam perveniret, notis se veterator atundinetorum latebris absconderat, nullâ arte cruendus, nisi eum una è pellicibus, admittente Gonsalvio, prodidisset. Repertum Neophyti vinculis onerant, & per Itatinense oppidum circumductum ad Assumptionis urbem, secundo Parana, adversaque Paraquario, deducunt, ubi sententia Magistratus laqueo vitam finiens, ingenti periculo totum Paranam Urvacamque liberavit.

**A**SUMPTIONIS urbs funus nobis offert Thomæ Fildii, ideo non omittendi, quod unus è tribus primis Sociis fuerit, qui Societatem in Paraquariam invexere. Limoricum Hyberniæ urbem pro patriâ, pro patre medicum Catholicum habuit. Adolescens vitandæ hæreseos, & studiorum ergo, in Belgium, inde Romanum concessit, ubi ab Everardo Mercuriano in Societatem admissus ita se gesit, ut adhuc tyro primo ambitu Brasiliam Provinciam indeptus sit. Româ pedes stipem flagitando Ulissiponem perrexit. In Brasiliâ, Josephi Anchietæ itinerum comes & miraculorum admirator fuit: ab quo in Tucumaniam navigare iussus, in Argentei fluminis ostio ab hæreticis Anglis captus pares cum sociis infestationes, suo tempore à me relatas, perperius est. Hic addam, piratas illos Anglos, & aliquot Hybernos, eo nomine in Fildium nostrum procaciores fuisse, quod dicerent cum ob professiōnem Jesuiticam, & propaganda Catholicæ Romanæque Fidei studium, popularium suorum dedecus esse, parumque absuit quin ob id maestaretur. Divinâ ope servatus, in Tucumaniam primum, tum in Paraquariam se conferens, baptizatis multis Barbarorum millibus, ea patravit, quæ distinctè suis temporibus denarravi. Virtutes ejus fuere Virginitas adeò integra, ut animæ suæ moderatoribus ingenuo candore in ultima senectute dicere soleret, tam s' purum esse, quam fuisset cum è ventre

matris

Fugit.

Capitur.

Laqueo vi-tam finit.

## C A P U T

XIX.

De Thomâ  
Fildii vita &  
morte.Thomas Fil-dius Josephus  
Anchietum  
comitatur.ab hæreticis  
capitur.

Pexatur.

Virginitatem  
servat.

Animi de-  
missionem  
colit,

Et abstinen-  
tiam.

Divus Ignatius multa  
salutaria.

CAPUT  
XX.  
Apud Tucu-  
tienses in  
Guairanâ  
Sancti Jose-  
phi oppidu-  
conditur.

Divi Ra-  
phaëlis ben-  
eficium singu-  
lare.

Ducenta fa-  
milia redu-  
cuntur.

Quindecim  
Ethnicorum  
pagi conci-  
liantur.

Simon Ma-  
çeta comme-  
datur.

CAPUT  
XXI.  
De Itinere  
ab Antonio  
Ruisi aper-  
to, & D. Xa-  
verii colo-  
niae augmē-  
to

matris effunderetur; zelusque animarum, religiosæ disciplinæ amor, & precandi studium. Animi verò demissionem per hoc maximè ostendit, quod Provinciales de eo in media Barbarie versante ad altiorem gradum promovendo obliti, ne verbo quidem questus sit, donec post quadraginta Societatis annos tria solemnia vota profiteri juberetur. Poma, uvas & reliqua hortorum refrigeria, ceterasque gulæ illecebras, usque ad octogesimum ætatis annum, quem lethalem habuit, gustare conanter renuit: quod quam in torrido hoc climate laboriosum sit, ut olim Fildius noster experimento, sic jam ex præmio abunde in Cœlis cognoscit. Ibidem multæ mulieres, implorata Divi Ignatii ope, ab periculoso partu liberatae, & agri à noxis rebus indemnes permanse: quibus portentis crevit apud omnes ordines erga Divum Ignatum veneratio, adeò jam publica, ut Episcopatus gubernator, nequicquam reclamante Ecclesiæ Cathedralis provisore, anathemate intentato jussit ultimum Julii diem in ejus honorem festum esse.

**N**ICOLA O Durando Provinciali, in eadem urbe Collegium insipienti, Antonius Ruisius Provinciae sue rationem redditurus occurrit, & Petro Spinesâ Socio, ab Barbaris postea trucidato, auctus, Guairaniam repetiit: quod, antequam, confectis in itu & redditu trecentis leucis, appelleret, lubuit per intacta nemoña sylvestres Indos indagatum ire. Sed, Socio adhuc his laboribus inassueto, post unius diei cum senticetis eluctationem, crus adeo acerbè doluit, ut ultra progreedi, & iter ad relicta navigia telegere posse desperaret. Verum Ruisius, invocato Divo Raphaële viatorum duce, cœlitus compendiosa viae indicium accipere meritus, cum socio etrure laborante unâ horâ iter unius diei confecit. In Guairaniam redux, Tucutienses populos cum Simone Maçeta subjugare aggressus, omnia in proclivi habuit. Tucutienses populi erant inter vetera Guaitanæ oppida, & novam Divi Xaverii coloniam, mediæ. Ex qua gente nongenta circiter capita Cataldinus Laurerum traducta ante septennium Christianis addiderat. Cum ergo magnum emolummentum speraretur, si vetera oppida cum Divi Xaverii colonia, novâ inter Tucutienses coloniâ constructâ, connecti posset, omnem conatum, ut id fieret, Antonius Ruisius adhibuit: nam præterquamquod intolerabile & tortum per Tibaxivam, vadis & scopulis impeditissimum flumen, quod ante ibatur, iter esset, non turum erat indomitos populos à tergo relinquare. Præparatis itaque rebus omnibus ad foundationem novi oppidi necessariis, Antonius Ruisius & Simon Maçeta se dant in viam. Ibant per intactas haëtenus sylvas sine itineris indicio; donec Tucutiensem Casiqui filius obviam ultrò occurreret, quo duce reliquum vias sine via permensi, id etiam incommodi percepérunt, ut Neophyti, Sociorum comites, metu insidiarum concepto, suspicarentur ab Casiquio missum filium, ut ad se perductos Patres trucidaret. Sed postero die suspicione evanuete, Casiquio obviam etiam progesio, pagumque suum ad construendum destinatum oppidum ultrò offerente. Gratior fuit Casiquii voluntas quam locus, qui quod in profunda valle esset, aër etiam respiratione deficiebat. Bonâ igitur ejus veniâ commodiori in loco oppidi fundamenta posita sunt. Nec diu fuit, cum ducenta circiter familiæ ex circumiacentibus sylvis fundationi nomen dedere. Oppidum templumque Divo Josepho, omni circum Barbarie plaudente, & frenidente dæmone, consecratum est. Cui postmodùm accessere sex vicorum incolæ; & quindecim alii pagi spem fecere eò se aggregatum iri. Simon Maçeta, solus eo in oppido relictus, ea patravit tolerarique, quæ in novis coloniarum fundationibus patrati tolerarique solent. Nec admiratione caruit, hominem unum in media barbarie tot hominibus cicurandis, erudiendis, Sacramento initiandis, fabricandis domibus, templo erigendo, atque hujusmodi sexcentis rebus, fabis & radicibus pro omni cibo contentum, corpus variè vexantem, sine valetudinis detimento insistere potuisse.

**E**X novo Divi Josephi oppido Ruisius ad Divi Xaverii coloniam viam aperire per se conatus, ob montium arduitatem, sylvarum densitatem, & sylvestrium Barbarorū ferociam, inextricabilibus pænè se difficultatibus implicuit. Post aliquot

dies